

丹徒楊聚謀

丹徒水

大江在縣西

都縣分界

江徐塗初

為名則有丹

湖望有奔瀆

江飲曰



縣界浦入與揚州府

亦名京江又名丹

京江江帶郡縣因以

江今滿一十八里春秋

吳王夫差始魏文帝臨

江飲曰

830699

京口山水志卷九

丹徒 水



大江在縣西北自江寧府句容縣界流入與揚州府江都縣分界又東逕丹陽入常州界亦名京江又名丹徒江徐堅初學記長江有別名則有京江江帶郡縣因以為名則有丹徒江元和郡縣志江今濶一十八里春秋朔望有奔濤太平寰宇記京江水干寶晉紀魏文帝臨江歎曰嗟乎固天所以限南北也論衡儒書言伍子胥恨吳王驅水為濤今會稽錢唐丹徒江皆立子胥祠欲京口山水志

卷九

一

止其濤也一名揚子江揚州府志揚子江在儀徵縣南

案儀徵唐為揚子縣

蔡寬夫詩話潤州大江本與揚子橋連瓜州

乃江中一洲耳故潮水通揚州城中李紳詩鷗鷺山頭片雲晴揚州城裏見潮生今洲與揚子橋相連自揚子橋距江尚三十里山川形勢固有時遷易也亦稱曲江乘七發客曰將以八月之望與諸侯遠方交游兄弟

並往觀濤乎廣陵之曲江李善注漢書廣陵國屬吳地

案曲江或曰錢唐江然選注明言吳地故志於此

一名北江初學記漢書地理

志江至徐陵為北江又荊州記云東北至南徐州名為北江而入海也吳淑賦注南徐州記京江禹貢北流也

濶漫三十里有大濤聲勢駭壯至江北激赤岸尤爲迅  
猛桑欽水經沔水分爲二其一東北流其一又過毗陵  
縣北爲北江酈道元注地理志曰毗陵縣舊會稽之屬  
縣丹徒縣也北二百步有故城本毗陵郡治也舊去江  
三里岸稍毀遂至城下城北有揚州刺史劉繇墓淪於  
江江卽北江也江至金山分爲三灩至順鎮江志水記  
揚子江南零水第一太平廣記李德裕使取金山中洽  
水蔡祐竹窗雜記石鐘山北謂之北灩按此三灩謂南  
零中洽北灩字不同爲義則一

詳見後  
中洽泉

史記吳王濞傳

吳兵犇條侯壁大敗吳王乃與其麾下壯士數千人渡

### 京口山水志

#### 卷九

二一

江走丹徒太平御覽謝承後漢書曰吳郡沈豐爲郡主  
簿太守第五倫母老不能之官倫每至臘節常感戀垂  
泣遣豐迎母廣陵母見大江畏水不敢渡豐祭神令子  
孫對母飲酒因醉卧便渡又續漢書曰張禹拜揚州刺  
史當過江行部中土人皆以江有子胥之神難於濟涉  
禹厲聲言曰子胥如其有靈知吾志在理察枉訟豈危  
我哉遂鼓棹而過三國志吳書孫權傳魏文帝出廣陵  
望大江曰彼有人焉未可圖也裴注于寶晉紀曰吳人  
臨江爲疑城自石頭至於江乘卓以木楨衣以葦席加  
采飾焉一夕而成魏人自江西望甚憚之遂退軍又徐

盛傳盛建計從建業築圍作薄落圍上設假樓江中浮  
船文帝到廣陵望圍愕然彌漫數百里而江水盛長遂  
引軍還又步騭傳注吳錄曰步騭表言北降人說北人  
多作布囊欲以盛沙塞大江吳主曰此曹必不敢來若  
不如孤言當以牛千頭爲君作主人後有呂範諸葛恪  
云每讀步騭表輒失笑此江與開闢俱生豈有可以囊  
塞理也晉書祖逖傳逖渡江中流擊楫而誓曰不清中  
原而復濟者有如大江又苻堅傳堅曰吾將薄伐南裔  
以吾之衆投鞭於江足斷其流太子宏曰晉阻險長江  
未可圖也彼若憑長江以固守徙江北百姓於江南增

京口山水志

卷九

三

城清野杜門不戰我已疲矣御覽三十國春秋曰劉裕  
次山陽聞何無忌敗績卷甲兼行將濟江而風急衆咸  
難之裕曰若有天命風當自息如其天不助舟覆溺何  
足可怪卽命登舟舟移而風止宋書五行志文帝元嘉  
二十六年二月幸京口有黑氣暴起占有兵明年魏南  
寇至瓜步飲馬於江南史陳後主紀禎明三年隋將賀  
若弼攻下京口緣江諸戍望風盡走分兵斷曲阿之衝  
而入又孔範傳隋師將濟江羣臣請爲備防後主未決  
範曰長江天塹古來限隔豈能飛渡李肇國史補揚州  
舊貢江心鏡五月五日揚子江中所鑄也通鑑唐紀德

宗建中四年淮南節度使陳少游聞朱泚作亂修塹壘繕甲兵浙江東西節度使韓滉繕館第修塙壁以備車駕渡江少游發兵三千大閱於江北滉亦發舟師三千耀武於京江以應之又興元二年議者言韓滉修石城陰蓄異志李泌上章請以百口保滉上卽下泌章令韓臯謁告歸覲臯至潤州滉感悅卽日自臨水濱發米百斛送至江上昌風濤而遣之宋史高宗紀紹興八年五月詔鎮江府募橫江軍千人又劉光世傳高宗在揚州金兵掩至天長倉卒渡江命光世爲行在五軍制置使屯鎮江府控扼江口又王德傳劉光世鎮京口以德爲

京口山水志

卷九

四

都統制金兵復南光世退保丹陽德請以死捍江又解元傳韓世忠治兵京口解元隸其麾下金人攻浙西世忠邀其歸路以海艦橫截大江金人出小舟數十以長鈎扳艦元在別舸躍入敵舟以短兵擊殺數十人擒其千戶又虞允文傳金人趨瓜州時揚存中成閔邵宏淵諸軍皆聚京口不下二十萬惟海鱗船不滿百戈船半之允文謂遇風則使戰船無風則使戰艦數少恐不足用遂聚材冶鐵改修馬船爲戰艦命張深守滁河口扼大江之衝以苗定駐下蜀爲援允文與存中臨江按試又韓世忠傳太乙孛董軍江北兀朮軍江南世忠以海

艦進泊金山下明旦敵舟謀而前世忠分海舟爲兩道  
出其背兀朮謂諸將曰南軍使船如使馬奈何募人獻  
破海舟策閩人王某者教其舟中載土平版鋪之穴船  
版以擢槳風息則出江有風則勿出海舟無風不可動  
也又劉寧止傳寧止言京口控扼大江爲浙西門戶請  
分常州江陰軍及崑山常熟二縣隸本司庶防秋時沿  
江號令歸一可以固守又王埜傳埜知鎮江府以守江  
尤重於淮瓜州一渡甚狹請免鎮江水軍調發專一守  
江置游兵如呂蒙所言蔣欽將萬人巡江上增創水艦  
於揚子江習水戰又文天祥傳元兵至鎮江天祥與其

京口山水志

卷九

五

客杜濬十二人入真州苗再成出迎曰今先約淮西兵  
趨建康以逼秦兵攻灣頭以高郵寶應淮安兵攻揚子  
橋以揚兵攻瓜步吾以舟師直擣鎮江同日大舉合攻  
瓜步之三面吾自江中一面薄之瓜步旣舉以東兵入  
京口西兵入金陵要浙歸路其大帥可坐致也天祥大  
稱善遣書二淮閩因閒未果長編嘉定十五年知鎮江  
府趙善湘教浮水軍五百人以黃金沈之江使探得者  
輒予之於是水藝極精能潛行水底數里又制多槳船  
五百艘無閒風勢逆順捷疾如飛赤馬白鷁二大舟每  
舟可載二千人元史兵志至元二十七年江淮行省平

章布連吉岱言揚州建康鎮江三城跨據大江士民繁  
會置七萬戶府從之順帝紀十四年命平章政事也先  
帖木兒討沿江賊立鎮江水軍萬戶府命江浙行省右  
丞佛家閭領之明史吳良傳良從徐達克鎮江進鎮撫  
守丹陽張士誠兵出馬馱沙侵鎮江巨艦數百沂江而  
上良戒嚴以待太祖親督大軍禦之士誠兵遁追至浮  
子門良出兵夾擊獲卒二千又楊文驄傳以兵備副使  
分廵常鎮二府監大將鄭鴻逵鄭彩軍及 大清兵臨  
文驄駐金山扼大江而守擢廵撫兼督沿海諸軍乃還  
駐京口合鴻逵等兵南岸與 大清兵隔岸相持 大  
京口山水志 卷九 六

清兵編大筏置燈火夜放之中流南岸軍發礮石以爲  
克敵也日奏捷 大清兵乘霧潛濟迫岸諸軍始知倉  
皇列陣甘露寺鐵騎衝之悉潰文驄走蘇州

北周庾信奉命使北始渡瓜步江詩校尉始辭國  
樓船欲渡河輻軒臨磧岸旌節映江沱觀濤想帷  
蓋爭長憶干戈雖同燕市泣猶聽趙津歌 隋柳

顧言奉和晚日揚子江應制詩詰旦金鏡發驂駕

出城闔鮮雲臨葆蓋細草藉班輪千里烟霞色四  
望江山春梅風吹落蘂浦雨減輕塵日斜歡未畢

睿想良非一風生壘浪起霧卷孤帆出挾濼麗繁

星高論光朝日空美鄒枚侶終謝淵雲筆 又奉

和晚日揚子江應教詩大江都會所長洲有舊名

西流控岷蜀東汎邇蓬瀛未覩織羅動先聽遠濤

聲空濛雲色晦澹疊浪華生欲知暮雨歇當觀飛

旒輕 唐駱賓王渡瓜步江詩奉檄辭幽徑鳴榔

下貴洲驚濤疑躍馬積氣似連牛月迴寒沙淨風

急夜江秋不學浮雲影他鄉空滯留 丁仙芝渡

揚子江詩桂楫中流望空波兩岸明林開揚子驛

山出潤州城海近邊陰靜江寒朔吹生便聞楓葉

下浙瀝度秋聲 祖詠泊揚子岸詩纔入維揚郡

京口山水志

卷九

七

鄉關此路遙林藏初霽雨風退欲歸潮江火明沙

岸雲帆礙浦橋客衣今日薄寒氣近來饒 儲光

羲寒夜江口泊舟詩寒潮信未起出浦纜孤舟一

夜苦風浪自然增旅愁吳山遲海月楚火照江流

欲有知音者異鄉誰可求 王昌齡宿京江口期

劉脊虛不至詩霜天起長望殘月生海門風靜夜

潮滿城高寒氣昏故人何寂寞久已乖清言明發

不能寐徒盈江上尊 劉脊虛暮秋揚子江寄孟

浩然詩木葉紛紛下東南日雨霜林山相曉暮天

海空青蒼暝色况復久秋聲亦何長孤舟兼微月

獨夜仍越鄉寒笛對京口故人在襄陽詠思勞今  
夕江漢遙相望 權德輿晚渡揚子江却寄江南  
親故詩返照滿寒流輕舟任搖漾支頤見千里烟  
景非一狀遠岫有無中片帆風水上天清去鳥滅  
浦迴寒沙漲樹遠疊秋風江空翻宿浪胸中千萬  
慮對此一清曠回首碧雲深佳人不可望 戴叔  
倫江干詩江干望不極樓閣影繽紛水氣多爲雨  
人烟遠是雲予生何濩落客路轉辛勤楊柳牽愁  
思和春上翠裙 宋徐鉉京口江際弄水詩退公  
求靜獨臨川揚子江南二月天百尺翠屏甘露寺

京口山水志

卷九

八

數帆晴日海門船波澄瀨石寒如玉草接汀蘋綠  
似烟安得乘槎更東去十洲風外弄潺湲 元尹  
廷高雨中渡揚子江見海怪出沒詩吳頭楚尾天  
一隅長江浩渺雲模糊中流風急浪花湧船頭黃  
帽驚相呼蜿蜒海怪互出沒踴躍與我爲先驅神  
閑意定若無見自信膽氣由來麤江神惟識詩客  
意故爾獻狀聊相娛岸旁青帘酒可沽拔劍割炙  
傾玉壺與君痛飲留斯須此時此意不可孤山川  
慘淡百戰餘古今變態難盡摹且書雨裏金焦圖

吳萊風雨渡揚子江詩大江西來自巴蜀直下

萬里澆吳楚我從揚子指蒜山舊讀水經今始睹  
平生壯志此最奇一葉輕舟傲烟雨怒風鼓浪屹  
於城滄海輪潮開水府淒迷灩澦恍如見潏混扶  
桑杳何所須與草樹皆動搖稍稍鼉鼉欲掀舞黑  
雲鯨漲頗心掉明月貝宮終色侮吟倚金山有暮  
鐘望窮采石無朝鵬誰歟敲齒兇能神或有僵身  
言莫吐向來天塹如有限日夜軍書費傳羽三楚  
崎民類魚鼈兩淮大將猶熊虎錦帆十里徒映空  
鐵鎖千尋竟然炬桑麻夾岸收戰塵蘆葦成林出  
漁戶豈知造物總兒戲且攢長川入尊俎悲哉險

京口山水志

卷九

九

阻惟白波往矣英雄幾黃土獨思萬載疏鑿功吾  
欲持觴酌神禹 明王鑿過揚子江詩燕南倦客

江東去一見澄江眼爲開紅日遠疑從地起青山  
近欲傍人來中流擊楫空懷志南國持衡獨愧才  
漸覺故鄉風物近十年一到思悠哉 國朝錢謙

益渡江詩京江南北路不到十餘年歲月看如此  
風波意渺然浮生催渡客宦况釣魚船何事眉山

老歸期只問田 陳允衡京口江上寄林茂之隱

君白下詩寒月散篷隙皎皎爭朝暉不寢學跣跌  
如掩山窗扉啟視聞無人遠水長天圍脊懷在高

館旣醉未言歸 陳玉璫望江詩行子乘江望淩

然發浩歌海雲浮客棹江樹接官河雁去吳天盡

潮來楚國多妙高臺上月日夕逐流波 查慎行

月下渡揚子江詩妙高峯下曉鐘撞隔岸吳船正

發幫風露一天人擁被櫓枝搖夢過春江 又雪

後渡揚子江詩十里江風一霎間海門晴色帶潮

還白頭浪裏參差影看盡江南雪後山 陳維崧

京口渡江用辛稼軒韻 永遇 如此江山幾人還記

舊爭雄處北府軍兵南徐壁壘浪捲前朝去驚帆

蘆水崩濤颭雪不爲愁人少住嘆永嘉流人無數

京口山水志 卷九

神傷只有衛虎臨風太息髯奴師子年少功名指

顧北拒曹丕南連劉備霸業開東路而今何在

江燈火隱隱揚州更鼓吾老矣不知京口酒堪飲

否

京口唐書音訓在潤州城東北甘露寺側元和郡縣

志京者絕高邨也京上郡城城前浦口卽是京口 案

京口 日本謂城前浦口後因以爲鎮江之統名劉禹錫詩

氣混京口雲潮吞海門石徐鉉詩京口潮來曲岸平

海門風起浪花生 京口渡今名甘露港渡 皆謂城前浦口也

唐王維送邢桂州詩鏡吹喧京口風波下洞庭赭  
圻將赤岸擊汰復揚舫日落江湖白潮來天地青

明珠歸合浦應逐使臣星 丁仙芝江南曲未曉  
已成妝乘潮去茫茫因從京口渡使報邵陵王  
宋梅堯臣京口水詩江頭潮正平日落土山口坐  
見遠來舟高帆忽前後將隨入浦風稍渡遙圻柳  
客無南北虞始信承平久

西津一名西津渡在城西七里長編大觀元年於揚  
潤之瓜州西津各置都巡檢一員置營解屯守以備  
巡察老學庵筆記徽宗南幸至潤郡官迎駕於西津  
及御舟抵岸上御棕頂轎子一宦者立轎旁呼曰道  
君傳語衆官不須遠來衛士臚傳以告遂退元史世

京口山水志

卷九

十一

祖紀十二年七月阿埵海董文炳集行院諸翼萬戶  
兵於西津渡又阿埵海傳謀告揚州人將夜襲丹徒  
守將乞援埵海出扼西津邀擊之

案嘉定志以爲卽  
蒜山渡金陵渡

姜宸英西津義渡贍產碑記自岷山導江而下出  
峽汗漫數千里至金焦一束水旋行逆折然後朝

宗於海此曹子桓所爲臨江賦詩徘徊而不敢進  
者也然予考之史記秦始皇登會稽還從江乘渡

註其地在句容縣北六十里不知何時復徙瓜步

梁庾信集有奉命使北始渡瓜步江詩至唐開元

二十二年刺史齊澣以舟行繞瓜步回遠六十里

始從京口埭下直趨渡江路徑而免漂溺之患故  
自唐至今瓜步渡者皆徙而至京口然往時京口  
與楊子橋對岸瓜洲特江中一洲耳後瓜洲以北  
淤漲與楊子橋連南直對潤州江身益狹江身狹  
則水流益汎急舟緣金山之麓而行春秋之間上  
流泛漲山水相搏觸漩而爲渦激而成湍雖恬風  
霽景猶懼變生不測少遇風波失利一瓠千金故  
京口之渡爲天下最險余六月渡江登金山見山  
足艤舟五六舟人操楫而坐若有待者寺僧深爽  
進曰此爲濟渡之舟自巡撫某公設此後凡有事

於茲土者及往來行旅各捐俸及貲益造舟買田  
置市租以贍水手之稍食及其賞格之費焉然久  
滋易弛也某懼斯人之弗脫於險而大隳前功願  
得一言以示來者余惟易旣濟稱君子思患而預  
防其說在六四爻曰繻有衣袽終日戒夫涉川者  
不能戒之於未濟之前特恃其一舟之無隙以與  
彼狂飈駭浪爭命於呼吸之頃固且不可況於待  
其旣濡然後操舟而拯之此與夫救火者之焦頭  
爛額何以異然而聖人之慮患也偏視夫事之可  
需者則需之有需之不能不得已而濟者則終日

戒之至不得已而濟而終日之戒之猶不足以勝  
夫所濟者之險旣已瀕於死亡矣乃忽然而得生  
彼仁人者之於此視夫人之脫之死而易之生其  
心樂不樂也自數舟者之設常歲活人以四五十  
計不十年而得活者四五百人矣由十年以前觀  
之彼四五百人者皆江上之遊魂水府之鬼錄也  
然則使自今十年之後之人有一不得濟以淪胥  
以亡者於吾心不且有戚戚乎哉若夫推前人之  
心以繼於無窮此則思患預防之道宜如是也深  
爽學佛者也獨能推廣有司德意使人之得免於  
危險且曰吾佛之道固然其爲世利益多矣余樂  
其有是請也而書之

唐許渾京口津亭送張崔二待御詩愛樹滿西津  
津亭墮淚頻素車應度洛珠履更歸秦水接三湘  
暮山通五嶺吞傷離與懷舊明日白頭人

蒜山津一名蒜山渡在蒜山下馬令南唐書馬仁裕  
傳烈祖鎮潤州仁裕監蒜山渡首聞朱瑾之亂馳白  
烈祖卽日以州兵渡江定亂烈祖得政基於此也

唐許渾將赴京師蒜山津送客還荆渚詩尊前萬  
里愁楚塞與皇州雲識瀟湘雨風和鄠杜秋潮平

仍倚棹月上更登樓他日滄浪水漁歌對白頭

金陵渡

見上

唐張祜詩金陵津渡小山樓一宿行人祇自愁潮  
落夜江斜月裏兩三星火是瓜州

高資東西渡在縣西四十里

石公渡在定波門外石公山下

沙窰渡在大港鎮西

韓橋渡在丹徒鄉

至順志宋朱倬詩隔溪人喚漁樵動江上潮平船欲行謂此渡也

揚子津與西津南北相對隋書楊素傳江南人李稜  
等聚衆爲亂賊朱莫問自稱南徐州刺史以盛兵據

京口山水志

卷九

十四

京口素率舟師入自揚子津進擊破之又吐萬緒傳  
帝幸江都時劉元進作亂帝徵緒討之緒率衆至揚  
子津

唐孟浩然揚子津望京口詩北固臨江口夷山近  
海濱江風白浪起愁殺渡頭人 劉禹錫北歸渡

揚子津詩幾歲悲南國今朝賦北征歸心渡江勇  
病體得秋輕海濶石門小城高粉堞明金山舊遊

寺過岸聽鐘聲 盧綸泊揚子津詩山影南徐暮

千帆入古津魚驚出浦火月照渡江人清鏡悲雙

鬢滄波寄一身空憐芳草色長接故園春

三江口在圖山下

明蕭明美請置江南鎮守海口疏臣按鎮之守禦單弱異常江頭有水兵一營不滿三百陸營兵不滿千圖山在本郡之極東爲三江口設有把總一員兵亦不過千數分汛設防尙恐支抵不給一旦強寇擁至何以應之且吳越之民儇巧而健悍善於操舟當阽危水火之時爲偷生旦夕之計賊聚一至勢必乘機又何以應之臣稽在昔秦璠王良爲亂出沒江沙兵部議置總兵官駐節鎮江勦之已而盜平相沿不革至嘉靖二十九年始有御史

京口山水志

卷九

五

趙錦建言罷設夫罷以無事在昔誠不爲過而設以有事在今尤不可遲則總兵之應復似無容再計矣然有將必有兵臣謂宜募土銳兼募浙勇多則三千少則二千又於本衛軍按冊屯種者覈屯課軍不但練得軍勇抑且稽察屯糧或可以補召募之窮耳至議設餉臣按練餉二百六十餘萬原爲增兵二十餘萬而設奈兵已成黥鬼而餉竟付填谿業已有日今議添兵卽以江南四府之所出者量移而給之不愈於虛擲之無用乎哉或又慮添兵未免擾民不知兵之不戢祗以將之不良是

在擇一廉勇威望之將以膺其任令水陸各營將士並歸統轄新舊操練壁壘一新宛爲天塹築一長城矣

國朝汪楫泊三江口詩月出日未落大江生晚烟舟停宿鷺起潮落薄水懸列戍吹笳地黃蘆賣酒船比來長道路盡醉水雲邊

炭渚在城西五十里有炭渚驛

東浦亦謂之潤浦元和郡縣志在縣東二里北流入江隋置潤州取此浦爲名也

西浦宋書五行志太元十五年京口西浦濤入殺人

京口山水志

卷九

六

太平御覽郡國志曰金陵西浦亦云碩口卽張碩捕魚遇杜蘭香處也太平寰宇記南徐州記云京口舊名碩口異苑云交州阮郎晉永和出都至西浦泊舟見一青衣女子云杜蘭香遣信托如君子郎愕然云蘭香已降張碩何以敢爾女曰伊命年不修必遭凶危敬聞姿德志相存恤郎彎弓射之卽馳牛奔轂軒游霄漢耶尋被害

北固浦在北固山下

下鼻浦在城西十里東有憩賓亭圖經云輿地志吳置刺姦屯晉郗鑒嘗置兩壘於浦西

樂亭浦在下鼻西七里

洪信浦在樂亭浦西

徒兒浦在城東二十里藝文類聚京口記縣城東南大路過長岡五里得屠兒浦者昔諸屠兒居此小浦因以爲名也葉廷珪海錄徒兒浦在丹徒秦始皇將徒人過此因名

茅浦隋書吐萬緒傳劉元進作亂江南以兵攻潤州帝徵緒討之緒率衆至楊子津元進至茅浦將渡江緒勒兵擊走因濟江背水爲柵明旦元進來攻又大挫之賊解潤州圍而去

京口山水志

卷九

七

申浦新唐書韓滉傳滉建節潤州以舟師由海門大閱至申浦乃還

嘉定鎮江志申浦在江陰界以春申所封之地得名

徐浦方輿紀要齊建元初以魏人入寇沿江置戍分置一軍於徐浦卽徐陵也

夾灘元史董文炳傳文炳兵駐鎮江張世傑等陳大艦碇焦山下文炳乘輪船突陣諸將繼進宋師大敗世傑走文炳追至於夾灘世傑收潰卒復戰又破之遂東走於海

新洲通鑑孫恩聞劉牢之已還至新洲不敢進而去注洲在京口西大江中南史宋武帝紀帝伐荻新洲

見大蛇長數丈射之傷明日復至洲裏聞有杵臼聲  
往覘之見童子數人皆青衣擣藥問其故答曰我王  
爲劉寄奴所射合散傅之帝曰王神何不殺之答曰  
劉寄奴王者不死帝叱之皆散仍收藥而反又桓元  
舉兵東下司馬元顯遣劉牢之拒之帝參其軍事元  
至帝請擊之牢之不許遣子敬宣請和元尅建鄴以  
牢之爲會稽內史牢之懼竟縊於新洲梁武帝詩新  
洲花似織

中洲晉書蔡謨傳領徐州刺史遣龍驤將軍徐元等

守中洲洪亮言東晉疆域志云當卽新洲左近洲也

京口山水志

卷九

五

長命洲太平御覽郡國志曰潤州長命洲梁武帝放  
生處後魏使李諧來聘武帝問曰彼國亦放生否諧  
曰不取亦不放帝大慙

胡豆洲南史羊鴟傳侯景於松江戰敗惟餘三舸下  
海欲向蒙山會景晝寢羊鴟語海師此中何處有蒙  
山汝但聽我處分遂直向京口至胡豆洲景覺大驚  
問岸上云郭元建猶在廣陵景大喜將依之鴟拔刀

叱海師使向京口景欲透水鴟抽刀斫之景走入船  
中鴟以稍刺殺至順鎮江志丹徒縣胡豆洲未詳

所在案太平寰宇記胡豆洲在海陵東南二百三十  
八里海中東西八十里南北三十五里上多流

人袁盧爲業梁太清六年侯景敗走將北過此洲爲  
王僧辯軍人所獲據此洲在海陵東南海中不在丹  
徒存以  
俟考

貴洲在樂亭浦北太平御覽京口記曰嘉子洲西一  
里得貴洲周迴四十里許上多有居民昔魏文帝伐  
孫權至此洲南望曰彼有人焉而退因名曰貴洲隋  
書郭衍傳開皇十年衍從晉王廣鎮揚州遇江表構  
逆命衍爲總管領精銳萬人先屯京口於貴洲南與  
賊戰敗之生擒魁帥大獲舟楫糧儲以充軍實駱賓  
王渡瓜步江詩鳴榔下貴洲

嘉子洲

見上

京口山水志

卷九

九

譚家洲在北固山下海鮮河外楊陸榮三藩紀事本  
末鄭成功於順治十六年己亥七月抵焦山集諸將  
議曰瓜鎮爲金陵門戶宜先破之乃會僞右提督馬  
信前鋒鎮統領余新奪譚家洲僞材官張亮督善泗  
者斬斷滾江龍僞兵侍張煌言會僞水師提督羅蘊  
章候滾江龍旣斷進據瓜洲上游焚奪滿洲木城成  
功與甘輝翁天佑等直搗瓜洲城破其譚家洲及滿  
洲木城俱潰成功令僞援勦左鎮劉猷守瓜洲餘皆  
渡江趨鎮江我提督管効忠以步兵駐守銀山騎兵  
移營大路成功以銀山迫府治爲必爭之地引兵奪

之効忠北鎮江守將高謙降成功以周全斌黃昭守之屬邑皆下甘輝進曰斷瓜洲則山東之師不下據北固則兩浙之路不通但坐鎮此南都可不勞定也不聽率師薄金陵八月由儀鳳門登陸屯嶽廟山大軍以千騎來薄僞前鋒鎮余新擊敗之遂輕敵不設備軍士捕魚飲博爲樂我副將梁化鳳偵知之由儀鳳門穴城出薄新營新不及甲遂就擒成功急令翁天祐馳援已無及大兵旣敗余新遂以步卒搗中堅以騎兵繞山後出其背前後夾擊成功大敗諸僞將各潰走甘輝且戰且走至江騎能屬者三十人被執

京口山水志

卷九

三

殺九月成功還師攻崇明不下十月還島

珠金沙元史本紀至元十二年七月宋趙潛張世傑孫虎臣等陳舟師於焦山南北阿木分遣萬戶張宏範等以撥都兵船千艘西掠珠金沙

鷓鴣堰唐僧皎然送楊山人往京口詩夜驚潮沒鷓

鴣堰朝看日出芙蓉樓

沙洲時沒時長其名無定多不勝載祗載有故實者

明唐順之洲田記古者與天下爲公而泉布其利

然山川林麓天地之產金石鉛錫萑蒲鹽蜃鳥獸

翎革之瑣細莫不爲之厲禁而名山大澤雖封諸

侯不以及者非自封植也懼夫利孔不窒而爭獄

滋繁則是以其利人者爲人害也其慮可謂深矣  
丹徒環江爲邑沿江上下多有蘆洲其爲利甚鉅  
而新故之洲時沒時長故不入版籍而人據以爲  
私每一洲出則大豪宿猾人人睥睨其間畢智殫  
賄百計求請或連勢人以搖官府必得乃已及不  
可能則讐其得者而相與爲私鬪甚者構亡命挺  
矛稍隱賊公鬪於叢葦高浪之間相殺或數十人  
官司逮捕輒反覆解脫獄案滿筐篋積十數年不  
可結絕故洲之爭未已而新洲之爭又起於是丹  
徒之視蘆洲如懸疣枝指之著體非特其懸與枝

而已且痛連於骨體而怵於心畜爲癰蠱不治日  
深而丹徒縮水陸之口厨傳日費數千金謂之班  
支郡邑公私筵燕諸所狼籍歲費且數千金謂之  
坊支閭里騷然苦焉不可以已也莆田林侯旣蒞  
郡日夜問民所利病除所不便深知班坊苦民而  
未有以處也適會有洲田之訟於是慨然諭於衆  
曰吾欲祛兩害以興兩利可乎且夫古者山澤之  
利其權一歸於上而今擅於下古有遺人掌客道  
路委積賓旅廩餼之奉其費一出於官而今役平  
民權宜歸於上者而擅於下則孔漏孔漏者啟奸

而人以殃費宜出乎官者而役乎民則歛重歛重者積蠹而人以貧今若一切反此二敝使擅乎下者歸之於上役乎民者出之於官塞其漏孔而蠲其重歛因天地之贏以濟人事之乏收豪民之腴以代貧人之瘠是蘆洲之果爲茲邑利也而又何病乎衆謹然曰侯議是侯又以丹陽水陸之衝與丹徒同而並練湖田爲豪民所擅與蘆洲同思推所以處丹徒者處丹陽也乃並二議以請於巡撫公巡撫公是之請於巡按公巡按公是之旣得請於是痛繩其豪之爭洲者與其侵湖者而歸之官

而兩邑廢寺之田附焉總洲與湖田寺田之所八而勾其贏縮以代故時班坊之所出裁其濫而存其不可已者於是出入之數大畧相均以嘉靖癸卯九月而計籍成如其籍而行之遂以爲故事邑人旣深德侯而恐後之人不能守侯之法也而又恐豪者惡是之病已而欲壞之也相率請於邑令茅君而鑿石以記凡洲田與寺田之在丹徒者爲畝共五千三百九十五歲入租一千九百擔有奇易金可若干兩蘆薪歲易金可百兩山薪歲易金二十六兩以代故時班坊之所出定其額凡爲金

四百兩而羨凡湖田與寺田之在丹陽者爲畝其三千四百五十有奇歲入租一千七百擔有奇易金可若干兩湖魚歲易金可二十兩以代故時班坊之所出定其額凡爲金四百兩而羨藏其羨以待歲收之所不及而間出其羨以賑凶飢自癸卯九月至乙巳五月總羨金九百八十二兩米千五百九十擔有奇其織悉列之碑陰其區畫出入則計籍具存林侯名華字廷份篤志古道爲政一本經術余嘗爲序其口義者其惠愛在民多可書茲以記洲田也故不及 國朝馮詠蠲免埤江田賦

記 今天子卽位改元 詔免江南省逋賦數百萬明年沿江水災 詔是年漕米緩輸其半減地丁銀十之三又明年部臣按 聖祖朝奏銷

籍內載丹徒縣埤江田地一百八十一頃二十二畝八分七釐六毫故侍御王公之瑚於康熙四十六年奏請豁免至是鎮海將軍署江蘇巡撫何公覆奏如前下部議如所請有 旨依議於是歲免銀一千六百二十二兩八錢二分八釐米麥一千九百七十七担五斗三升二合始五十一年至雍正三年其免舊逋銀二萬二千七百一十七兩八

錢八分米麥二萬七千六百八十五担四斗二升  
自是歲除其額徵之數編於令是邑濱江田地常  
受洪潮衝沒民無以償其賦相率逃亡 聖祖

惻然憫之 詔免二十八年以前逋賦及有侍御  
王公之請復允所奏載在部籍其後部臣行查數  
四格於制撫兩臺遷延不報至 今上二年復  
下部檄於是署巡撫何公會同總督部院查公親  
詣江濱具疏聞於 上故降今 旨初 聖祖  
巡幸江南者六稔民爲重賦累甚窮苦屢下赦免  
之詔故江南民較他省受恩特多 今上御極

京口山水志

卷九

十四

方新嘉與大臣議赦議減歲下 詔旨多者免數  
百萬少亦數萬江南財賦浩繁之區損 國帑以  
益民生不獨見 聖恩之有加無已益以彰

先帝之盛德於弗替也已 旨既下沿江耆老  
野夫衛軍屯卒權呼踴躍填街塞郭北向叩頭謝  
至於涕流念無以仰答 聖恩且事屬創典宜  
有以示後人咸來告丹徒令馮詠請爲記故記之  
如此

毗陵故城水經注縣北二百步有故城本毗陵郡治  
也舊去江三里岸稍毀遂至城下

詳見前

漢揚州刺史劉繇墓水經注毗陵縣舊會稽之屬縣  
丹徒縣也城北有劉繇墓淪於江詳見前

明知陝州贈光祿寺少卿史記言墓在城東濱江府志

記言字司直丹徒人萬厯壬子舉于鄉知長沙縣擢陝州知州陝當賊衝記言募勇敢士聘少室僧道清太和者練鄉丁賊屯磁鍾鎮記言迎擊斬數十級生擒二十餘人賊首老回回馬守應等銜之部十數萬衆環州城堅守三月賊解去會夜大雪賊突自靈寶來緣城上二僧躍身越城河欄賊誘記言降記言大呼曰今日有死知州無降知州也身中四矢及裂腹洞胸死時崇禎八年十月也事聞贈光祿寺少卿二僧護其喪歸居丹徒之沙渚後太和返少室道清遇盜死

國朝都司羅明昇墓在談家洲今淪於江邑志順治十六年海寇犯鎮江明昇守談家洲被害諸生談枚

京口山水志

卷九

蓋

徵藁葬之並爲立廟康熙四十四年 聖駕南巡賜

奮勇致身額新其廟後洲沒於江移祀南岸觀音庵

雍正間移廟南開口府志明昇南陽人由神木道中

軍守備遷鎮江廵江營都司順治己亥爲寇所害家

丁趙狗兒亦血戰死備兵參議胡亶爲文致祭書其

事於石表江上

需亭嘉定志在府治西九里江津之上舊亭絕小乾

道己丑守臣陳天麟重建王象之輿地紀勝需亭北

爲浮玉亭

京口山水志卷九

京口山水志卷十

丹徒楊棨撰

丹徒 水

高資港在城西四十里明史黃鉞傳建文四年燕兵渡江盛庸戰於高資港敗績港之左右有炭渚黃泥樂亭浦馬步橋永豐橋諸港乾隆壬午

高宗南巡經高資港有 御製詩

高資營在高資鎮

戰船廠在港口丹徒志京口戰船爲防海而設通計海哨船吧唬船快哨船船艚船三百隻舊有船政通

京口山水志

卷十

一

判今歸常鎮道修造建廠高資港

七里港在城西七里明史林鶚傳鎮江漕故經孟賁險甚巡撫崔恭議鑿河自七里港引金山上流通丹陽避之鶚言道里遠多石且壞民廬募請按京口牘甘露具濬之令通舟功力省便恭從其議遂爲永利近此有錢家費家下鼻斷妖洪信諸港

京口港在城西北江口京口閘下

程公下埧在港口

丹徒港在城東南丹徒鎮王存九域志縣有丹徒大港

丁角三鎮

黃水碓在江口宋紹熙間郡守陳居仁建

澗壁港在澗壁一名鐵錨港

草牓在港口

孩溪港在城東苦竹里渡泥港洩港皆近孩溪小港

安港一名大港在城東大港鎮明史紀事本末嘉靖三十五年江北倭流劫至圖山山北等港無爲州同知齊恩率舟師迎戰敗之恩長子尙文次子首叔仲實弟寶榮姪慎寅及良大卿孫嵩俱在行間嵩年十八驍勇善射獨前追賊至安港恩等從之伏發恩及其家丁錢鳳等二十一人力戰皆死之獨嵩慎寅三人得脫賊乘勝京口山水志 卷十 二

至金山殺鎮江千戶沈宗玉王世良於江中近安港有

柳黃諸小港

韓橋港在城東六十里

韓橋相傳韓蘄王屯兵處

山北港在圖山之北其下郭家徐府中新烟墩朱秀太平劉仙莫家諸小港甚多皆平地沙區無山隴之限通潮汐資灌漑而已

便民港一名新開河自縣西簞灣師古灘逕句容之龍

潭達上元棲霞山下碾駝壩乾隆四十五年巡撫吳壇

奏開以避黃天蕩之險越三年始通行四十九年

高宗南巡經此 賜名便民港

河神廟在師古灘

甘露港在北固山西通關河南出便益橋運河旁通鳳皇池春夏船泊石壁下今漸淤其側有金線港鱣魚港新港亦皆淤塞

宋黃震申提刑司乞濬甘露港狀國事以軍餉爲急軍餉以漕運爲急古人欲貫串河渠至有鑿平地三百餘里者我藝祖最愛惜民力猶首置斗門於五丈河良以大計所關雖勞費有不憚爾今京口轉般倉實依大江而立一水環其前後前引上

京口山水志

卷十

三

河頭以南致浙右之米後出甘露港以北餉兩淮之軍通徹無礙措置曲盡養兵百萬不費一夫擔夯力也近年來甘露港日就乾澁一月間惟兩大汛潮僅及之舟楫不通糧運中痞問其弊源皆曰自往歲郡將拆去甘露閘板始夫智者謀餉變陸爲水今反堙之寸步千里何哉或者弗之思耳某嘗竊謂此港之不可不浚其事有十轉般倉今所交者多江西米每米一担自港外步般至倉雇錢五百是一綱所費自增數千貫綱稍如之何不愈侵盜是此港之不可不浚者一也無港泊舟往往

退藏焦山之阿候潮旋艤艱難萬狀港若開通則  
舳艫相銜徑入城市其至如歸是此港之不可不  
浚者二也候潮艤舟旣待風色隔沙步卸能復幾  
何若徑近倉朝交卸而夕絕矣是此港之不可不  
浚者三也退泊不暨舟閣硬沙或近斗岸爲風濤  
所撞若纜爲他舟所絕往往損破失米皆由無所  
稍泊之故是此港之不可不浚者四也米舟急於  
稍泊每大汎輒數舟占港共作一壩截水旋僱小  
舟剝淺作壩之費三千貫剝淺之費不預焉舟之  
急欲得港若此是此港之不可不浚者五也兩淮

諸司支請軍食其步卸出江而去重廢久淹與綱  
戶之來入倉者同是此港之不可不浚者六也米  
船近倉檢柅亦易今在僻遠恣雜濕惡是此港之  
不可不浚者七也南北之舟皆泊倉岸或遇對剝  
徑可就舟是此港之不可不浚者八也脫有緩急  
軍糧豈宜少滯國朝閒暇此事正當講明是此港  
之不可不浚者九也不獨轉般倉爲然大軍北倉  
正與轉般倉夾河而立南倉亦由此河而北此河  
通則凡裝運皆便是此港之不可不浚者十也至  
若京口爲淮浙之要衝舟楫苟便百貨可以駢集

甘露實京口之主山港脈苟通臺郡皆有關係兼此邦地仰易盈洞涸苟有閘以時其啟閉農田之利益尤多此又軍餉外無窮之便也某人微位下凡事何敢僭越實以目擊本倉交卸支運兩極其難到任數日卽親歷其地見大江之入京口者其道有四最西自京口閘總領所見於此支運河流亦淺頗費搬夯其二曰海鮮河甚淺見係江西綱作壩截大汎潮以剥米其三曰鱈魚港尤淺亦江西綱乘大汎潮隱舟此地隔塘搬米以上詢之故老皆吳尙書任內所嘗開浚日久漸湮其四則今

京口山水志

卷十

五

來所指之甘露港實居四港之最東則北固山甘露寺下北固山純土如粉獨其北峭石壁立竒枝竦人蓋游觀者所不見豈北固之所以得名歟石之下爲田田之外爲港自利涉門外遶土城而西入倉約二里可容米舟二十萬石最外爲舊石閘之基風濤所不及今居民橋其上稍深折而西爲舊木閘之基今綱戶乘大汎用椿蘆截水其地又漸入則港漸狹蓋居民時采其傍然古岸猶存甚濶也自嘉定間史待制名彌堅嘗浚治今五十年初本不至堙塞自廢閘十年渾水漸入舟始澁而

不通某嘗意他港必未暇浚莫若先浚甘露港石  
閘亦未易復莫若且改置外閘爲木閘如此則易  
害爲利當盡如前項所陳不然湮且日甚害亦不  
止如目前所見而已也區區欲望台慈詳酌其可  
特賜申明朝省乞從行下所屬作急開浚修復國  
事幸甚

甘露外閘在港口宋嘉定中郡守史彌堅置 內閘

亦彌堅置後改建登仙橋 栲栳閘在登仙橋南宋

淳祐中郡守何元壽置 甘露壩一名程公上壩宋

咸淳六年郡守趙潛立

並邑志

京口山水志

卷十

六

包港宋史傳伯成傳知鎮江府時制置司欲移焦山防  
江軍於圖山伯成謂虛此實彼利害等耳包港在焦圖  
之中不若兩砦之兵迭成焉

丁卯港在城南三里通漕河

丁卯埭相傳晉元帝子哀鎮廣陵運糧出京口爲水  
涸請立埭於此以丁卯日成故名

丁卯橋在港口

許渾宅方輿勝覽許渾居京口有別墅在丁卯橋

許渾夜歸丁卯橋村舍詩月涼風靜夜歸客泊巖

前橋響犬遙吠庭空人散眠綠蒲低水檻紅葉半

江船自有還家計南湖二頃田、殷堯藩訪許渾  
詩去郭來尊隱者居柳陰假步小籃輿、每期會面  
初償約卻討論心舊得書淺綠垣牆綿薜荔淡紅  
池沼映芙蓉爲言肯共留連飲澗有青芹吾有魚

張祐詩遠郭日曛曛停橈一訪君小橋通野水

高樹入江雲酒興曾無敵詩情舊軼羣怪來音信  
少五十我無聞 宋陸游讀許渾集詩裴相功名

冠四朝許渾身世落漁樵若論風月江山主丁卯  
橋應勝午橋 明鄔佐卿丁卯橋等許渾故宅詩

流水城南路幽哉刺史橋芙蓉秋對雨楊柳晚通

京口山水志

卷十

七

潮高韻誰能繼斯人不可招門前有樵徑落日草  
蕭蕭

石淙精舍在丁卯橋明楊文襄一清別墅

李夢陽石淙精舍記昔周子起濂溪之上倡明其  
學天下宗焉其後自濂溪徙廬山遂名廬山之溪  
曰濂溪名其堂曰濂溪之堂今天下之學宗我師  
楊公而公亦自安寧石淙渡徙鎮江於是築精舍

丁卯橋名曰石淙精舍嗟乎事固有偶同者非謂

是哉愚往觀眉山蘇氏愛陽羨山欲徙之蓋卒不

返眉山今其墓在郊郭之間曰小自眉者是也愚

謂其特文章士不足法及觀周子自濂溪徙廬山則又訝曰茲非有道者爲邪蓋天壤間物無常主自吾之所自出言濂溪也眉山也石淙也固吾土也自天壤間物言吾安往而不得主耶嗟乎古今人用心豈異哉愚不佞少幸從公游以故得竊聞石淙焉石淙有虎邨之邨曹溪之溪螳螂之川自昆明池來者奔流千里其地崩湍激石兩崖菰葦交合水汨汨循其間冷然金石之音故曰石淙石淙視二子故土吾不知其孰愈乃若丁卯橋負山帶江據東南之會上游之地其泉石巖壑之佳要

京口山水志

卷十

八

不在廬山陽羨下也陽羨姑置勿論且廬山其志奚爲者耶顧卒幽抑不見於世今公際明天子拔茹嚮用功著邊徼顯名中外利澤在社稷天下其還也登橋据水厓坐石磯不一再吟嘯去矣故金焦大江之雲不能奪京洛之塵而甘露鶴林之情不能已龍沙鴈塞之行也雖然君子豈以此易彼哉故孔子曰樂則行之憂則違之夫廬山豈固濂溪意耶愚不佞徒及公之門力不足濬流揚波南瞻石淙特望洋耳是何敢言記

大瀆在城東太平御覽京口記曰長村東大瀆

班瀆通鑑劉敬宣勸牢之龔桓元牢之猶豫不決移屯  
班瀆胡注瀆在新洲西南案濱江一帶及高騶長山以  
南港瀆甚多名亦無定不能  
悉志志其  
大而著者

京口山水志卷十

京口山水志卷十

九

丹徒水

漕河自常州府武進縣流逕丹陽縣南又西北逕縣西

又北踰大江入揚州府界太平御覽吳志曰岑昏鑿丹

徒至雲陽而杜野小辛閒皆斬絕陵襲功力艱辛

原注杜野

屬丹徒小辛屬曲阿

又吳錄曰句容縣大皇時使陳勲鑿開水道

立十二埭以通吳會諸郡故船行不復由京口三國志

孫權傳赤烏八年遣校尉陳勲將屯田及作士三萬人

鑿句容中道自小其至雲陽西城通會市作邸閣齊書

京口山水志

卷十一

一

州郡志丹徒水道入通吳會入蜀記自京口抵錢唐梁

陳以前不通漕至隋煬帝始鑿渠八百里皆濶十丈夾

岡如連山蓋當時所積之土朝廷所以能駐蹕錢唐以

有此渠耳汴與此渠皆假手隋氏而為吾宋之利豈亦

有數耶

案京口漕渠吳以前卽有之觀御覽引吳錄船行不復由京口云云可知至隋則鑿渠益廣非

創始於隋也

宋史王琪傳琪知潤州轉運使欲濬常潤漕河

琪陳其不便詔寢役後議者卒請廢古城埭破古函管

而浚之河反狹舟不得方行公私交病明史劉辰傳漕

河易涸仰練湖益水三斗門久廢辰修築之運舟既通

湖下田益稔

夾岡河道

在丹徒界曰小夾岡在丹陽界曰大夾岡

嘉定鎮

江志云會要治平四年七月都水監言兩浙相度到潤州至常州界開淘運河廢置堰閘乞候今年住運開修夾岡河道從之

馮詠丹徒丹陽河工免役碑記鎮海將軍署江寧巡撫部院何公奉

上諭移咨總督兩江部院

查公總漕部院張公總河部院齊公以雍正二年十月甲申會於京口是年八月

上念京口爲

杭嘉湖蘇松常六郡運河入江之道而挑浚偏累丹徒丹陽兩邑百姓故有是命明日四院舟由江口西閘出南閘次丹徒鎮登橫閘遣水利廳持水

平測潮淺深分遣屬吏閱沿河廢閘故址越兩日至丹陽周視練湖然後反次京口議應修之閘有三曰江口西閘曰利涉橋小閘曰丹徒鎮橫閘重建閘四曰張官渡口陵口曰呂城曰越河開浚則起江口至丹徒鎮二十里黃泥灑至張官渡十里七里廟至尹公橋十里七里橋至陵口十三里又至呂城二十里皆舊阻淺處也江口之西爲觀音樓東爲水府廟並建草壩以拒江流修築丹陽西灑以蓄練湖之水所需工料遵

諭旨動用國帑

歲修仍責徒陽二邑而以六郡協濟之議既定繕

摺以聞

上諭具疏來疏奏下部核覆如所議

明年三月報可於是兩邑民莫不忭舞喜悅先是  
運河自江口至武進之奔牛百六十里江潮出入  
常淤塞爲漕患有司無以寒責率派諸民間五年  
大浚用人夫十餘萬水車千餘部費白金六七萬  
兩歲小浚亦五六十兩民貧者至鬻子女以應至  
是聞 詔旨免役男婦提攜老幼畢至望 闕呼

萬歲歡聲四達以其狀陳於今巡撫張公請題建  
萬壽碑亭會蘇松蠲免浮糧有 旨詔免謝恩事

遂寢兩邑之民以詠爲丹徒令恭荷 殊恩又先

京口山水志

卷十一

三

備位詞臣宜有文辭以揚盛德不敢以淺陋爲解  
爰指陳事實宣布 皇仁昭示無極辭曰皇皇

帝祐愷澤單敷輓漕東南萬民其蘇緬彼京  
口洪潮所底或漲而淤或壅而圯自徒及陽百六  
十里旣築旣浚民亦勞止嘉詔自天眷此南土爾  
徒爾陽厥民殊苦申命大僚載歷河澗相度土宜  
指陳旁午 帝曰俞哉謨謀允臧亮工熙載視

民如傷在易之益民說無彊飲和食德如煦春陽  
金焦之南練湖之北大化滂流感恩抒力如彼山  
河高深不測億萬斯年永載 帝德

唐李白丁都護歌雲陽上征去兩岸饒商賈吳牛  
喘月時拖船一何苦水濁不可飲壺漿半成土一  
唱都護歌心摧淚如雨萬人鑿盤石無由達江湄  
君看石芒碭掩淚悲千古

京口閘俗名大閘在城西北距江一里許唐徙漕路

由京口埭渡江至伊婁河

見唐書齊辭傳

宋嘉定八年郡守

史彌堅浚渠記云沿渠而閘者五首曰京口閘次曰

腰閘又其次曰下中上閘視時節次第啟閉以出納

浮江之舟歲久木朽石泐擇美材密石而更葺之

見嘉

定明閘廢轉漕者道新河出江舟數敗郡守劉辰復

京口山水志

卷十一

四

修見明史劉辰傳

唐孫逖京口埭夜行詩孤帆度綠氛寒浦落紅曛

江樹朝來出漁歌夜漸聞南溟接潮水北斗近鄉

雲行役從茲去歸情入雁羣

老人閘一名南閘在虎踞門外

新閘在南水關外舊爲減渡橋明天順己卯浚漕河

作閘以殺水勢

見府志今廢

橫閘在丹徒鎮

案故老相傳此閘舊制閘門陝而長西向閘底高門陝而長則長潮力猛

泥活不淤西向則長潮直入落潮從大閘口出底高則能蓄水近改閘門寬而淺東向閘底低長潮無力

落潮勢平淤積而水不蓄此因簞木由此入口閘門陝底深簞大不容口門西向轉折不便木商於閘圯

之時承任修築陰改舊制以故數年一濬之漕渠今則無歲不濬志之以俟當事者察核焉

越河閘在越河鎮越河一作月河鉤廊二筆康熙十年五月十八日鎮江迅雷烈風月

河鎮地方隕酒數十饘平置河側

通阜橋在金銀門口舊為板橋明萬厯間易以石

關門橋在通阜橋之南

泰運橋在虎踞門口舊名虎踞橋明萬厯丙子知府

張純易以木春運時撤去民大不便後知府蘇兆民

仍易以石更今名

便益橋在南水關外

永宣橋俗名灣子橋在丹徒鎮跨漕河

京口山水志 卷十一 五

新豐橋在新豐鎮跨漕河案入蜀記自京口過新豐小憩李太白詩云南國新

豐酒東山小妓歌又唐人詩云再入新豐市猶聞舊酒香皆謂此非長安之新豐也

京口驛舊在京口閘萬厯七年知府鍾庚陽改建城

西河口社稷壇左

風神廟在京口驛西乾隆六十年 賜翊靈佑順額

江神廟在漕河西近江

郭侍郎祠在京口驛之右後增入唐公侃名郭唐一

公祠明史郭任傳任丹徒人建文初在戶部燕王兵起被擒不屈死之子經亦論死少子戍廣西福

王時贈太子太保戶部尚書諡清毅唐公詳見前圖山唐侃墓

附府志張德傳峇德字仲敬丹徒人建文元年以薦詔試禮部授右軍都督府斷事盛庸師出改德

戶科源士使犒師至東昌與北兵遇被執德曠且言曰天子安宗藩宗藩反欲危天子異日何以見高皇帝于宗廟王怒劍斷其臂左右又交下至死不仆時年四十一德以陣死不入逆籍家人隱其事至國朝裔孫九徵始屬南昌王猷定立傳案張公不得與郭公同祠者當時隱其事故也

羅公廟在老人閘口祀都司羅明昇詳見前談家洲羅明昇墓

海會寺在丹徒鎮宋建炎中建明景泰二年重修禮

部尚書王英記工部尚書周忱書

會音寺在丹徒鎮臨漕河乾隆十六年 賜額

舊河嘉定志政和六年八月敕鎮江府旁臨大江舟楫往來每遇風濤無港河容泊以故三年之間溺舟船凡

五百餘艘人命十倍其數甚可傷惻訪聞西有舊河可

京口山水志 卷十一 六

以避急歲久湮廢宜令發運司計度深行浚治以免沈

溺之患委官處置早令告功

新河城西枝河明史劉辰傳京口閘廢轉漕者道新河

出江舟數敗辰修故閘公私皆便

小閘在河上

利涉橋一名浮橋在河口

紅橋在江口新河出江處

海涵河在北固山西北

柳青橋在河上

海鮮河在甘露寺西宋嘉定八年郡守史彌堅浚以泊

防江之舟有記載嘉定志宋史陳居仁傳紹興中鎮江大旱移居仁爲守因饑治古海鮮界港爲石礎蓄洩以時通濟漕運

歸水澳在中閘之東宋嘉定中郡守史彌堅重濬有記載嘉定志其畧曰南徐地高卽漕渠貫城中爲西津斗門達於江以出納綱運昔之爲渠謀者慮斗門之閘而水走下也則爲積水歸水二澳以輔乎渠積水在東歸水在北皆有閘渠滿則閉耗則啟以有餘補不足故渠常通流而無淺淤之患歷年久澳廢不治渠亦告病父老言二澳不可不復按行故蹟積水爲居民抵昌獨歸京口山水志

卷十一

七

水澳隄防畧存私念復一澳固足爲渠利然澳之西南則轉殷倉其東北則甘露港引而環之倉垣因以護倉受者在渠給者在壕以便夫綱運之出納引而接之甘露別爲斗門以通於江亘三水爲之長壕焉改修歸水故閘以通於渠且浚而廣之其護倉壕則取其土以廣倉垣其北達於甘露港者則爲上下二閘候潮登否以益納上流之舟且慮二閘之間不足以容多舟也視北閘之址有陂澤則又通之以爲秋月潭以藏舟焉其下閘之外則補浚百八十丈客舟浮江乘便艤泊以避夫

風濤之害

積水澳

詳見上

宋轉般倉在歸水澳西南

黃震重修轉般倉記景定元年春聖天子奮張天威再安區夏四闕祀而當癸亥歲於是邊烽之熄侵久矣方且兢兢軍國事凡切於邊者日益蒐講謂京口轉般倉九兩淮軍饗襟喉賜緡錢五十萬米以石計者千有三百用鳩工新其舊歲十一月建礮鼓明年春告成董役官劉安輦石請記工役余曰是奚足哉蓋記其大者乎或曰倉舊八十厥今修六十有一已仆不存者十有八行且併新之

京口山水志

卷十一

八

蓋記諸余曰是亦奚足哉蓋記其大者乎紹興七年我高宗用向子諲之請始以昔之置於泗真者置京口當是時諸侯方會師江上勃勃乎爭驅而進指曰恢中原轉般之事如之何可一日緩未幾柄國者摧一世之豪傑而奪之兵託名四大屯廩之不容出尙安以轉般爲哉倉於是易名曰大軍君子觀薛雄飛書倉之廳壁謂今大軍倉尙榜稱轉般使人於邑不自勝淳熙初我孝宗復度地舊倉之西爲今倉方是時上親閱精銳日夜感勵雖一飯未嘗忘中原如之何不於轉般留意嘉定更

化增飭唯謹雲屯百萬今猶賴之奈何法久而弊  
至有張大糴事者嘗倚轉般爲子母相私之地雖  
營算之費一毫不以請於朝識者終不以爲忠於  
職然則轉般之關繫不其大矣乎蓋倉之興也未  
嘗不出於朝廷而其弊也未嘗不由於有司出於  
朝廷也未嘗不爲經久博大之規而其屬於有司  
也未有不流於侵奪便私之失倉之更革乎軍實  
所繫軍之張弛乎國勢所關唯我宗功祖德格於  
皇天聖子神孫繩繩克肖由紹興而有淳熙由淳  
熙而有今日復覈其事而一新其修其費胥朝廷  
出無異疇曩建立之初意汰有司之蠹冗昌三軍  
之司命此其規模功用當何如而獨記工役哉言  
未旣衆慷慨動容於是知大義之在人心其不可  
磨滅如此乃拜手稽首歌以颺之曰轉般之新兮  
紹興常饗軍兮三京誰歟易之兮猶名大軍轉般  
之再兮淳熙將何爲兮規恢誰與專之兮轉而自  
私轉般之修兮吾皇土飽馬騰兮行恢故疆增光  
二宗兮世世其毋忘

護倉濠在宋轉般倉後

腰插在京口牖東南

上牖在故程公橋北

中牖在故大軍倉後

下牖在程公下壩東

減水牖在下牖西上有石橋柱刻咸淳六年歲在庚

午七月二十六日長沙趙潛立

以上五牖俱見嘉定志久廢

程公橋在上牖南久廢

鎮西橋俗名拖板橋在京口驛後臨濠

三汊河在城西小門外西由鎮西橋入漕河北通甘露

港

伊婁河新唐書齊澣傳澣遷潤州州北距瓜步沙尾紆

京口山水志

卷十一

十

漕六十里舟多敗溺澣徙漕路繇京口埭治伊婁渠以

達揚子歲無覆舟減運錢數十萬又立伊婁埭官征其

入太平寰宇記伊婁河開元二十二年潤州刺史齊澣

以潤州北界隔江爲限每船繞瓜步江迂迴六十里多

爲風濤所損臣請於京口埭下直截渡江二十里開伊

婁河二十五里卽達揚子縣無風水之災歲取利百億

並立伊婁埭自是免漂損之災

案嘉定鎮江志云當時瓜州遙隸潤州故辭得

以改置漕路

唐李白題瓜州新河餞族叔舍人賁詩齊公鑿新

河萬古流不絕豐功利生人天地同朽滅兩橋對

雙閣芳樹有行列愛此如甘棠誰云敢攀折美關  
倚此固天險自茲設海水落斗門湖平見沙汭我  
行送季父弭棹徒流悅楊花滿江來疑是龍山雪  
惜此林下興愴爲山陽別瞻望清路塵歸來空寂

滅

古河十國春秋忠懿王世家吳越王做遣沈承禮等率  
兵隨宋平潤州進討金陵江南平請入覲宋帝勅遣供  
奉官張福貴等開古河一道自瓜洲口至潤州江口以  
待王舟楫

案古河疑卽伊婁河也

關河自北水關達南水關穿城計千二百丈順治十六

京口山水志

卷十一

十一

年因海警閉兩水關河淤康熙十一年知府高得貴同  
知孫汝謀募工疏濬舟楫復通乾隆二十八年邑令貴  
中孚重濬五十一年知府鹿莖又濬後復淤 烏盆澳  
在城東北之間亦關河之支

貴中孚重濬關河記郡志舊有關河一道貫城之  
內外民間薪米所需悉藉此以資轉運當糧艘擁  
擠之際則由江達河重載又得以間道取濟其便  
利之處邑父老尙能言之自 國初開濬以來歷  
年旣多久失修沿岸土崩卸河形雖在水不容舸  
是以土著者旣苦於負載之勞而行旅者亦失其

津濟之便一事廢而遠與近交受其病夫有利弗  
興守土之責也正任籌畫開挑適士民秦聖且等  
以公捐疏濬爲請余喜其有賴於地方遂亟請於  
觀察姚公郡憲李公咸欣然報可畚插旣集囊鼓  
弗勝不逾月而大工告竣計由運河入南水關直  
抵北水關出甘露港以達江者凡一千餘丈又自  
登仙閭西行入運河者凡八百餘丈一律深通舟  
楫四達而府經歷王君維城照磨王君樹聲知事  
楊君大勳縣丞陸君景澄主簿沈君宋良與董事  
紳衿張成璧郭家麟趙德修劉金書李丹實經紀  
之其夫工之費則概出之士民公捐初非有所徵  
發期會而舊制以復水利以興於以見 聖朝  
同化之隆草野踴躍向義如此

千秋橋在府治西跨河廣輿記鎮江西有千秋橋晉  
刺史王恭建上卽萬歲樓也

綠水橋在千秋橋西俗名高橋

太平橋在綠水橋西

法嘉蓀養痾闌語夏太史沅與  
丹徒鎮周氏爲中表戚周氏無

子乞太史幼子爲嗣太史曰吾宅後臨城河對岸頂  
備倉口有小木橋常溺人君能爲我建一石橋當以  
幼子繼君後周故巨富卽日鳩工橋成

抱太史幼子去子乳名太平遂以名橋

嘉定橋在千秋橋南嘉定志俗呼禁方橋

今志作  
利民橋

烏益澳橋在利民橋東今城隍廟大門外照壁下

范公橋在利民橋南宋景祐間郡守范仲淹建一名

范橋蘇子瞻哭刁景純詩傷心范橋水漾漾空寒藻

一名清風橋見邑志

宋梅堯臣范公橋詩謂公天下才非專一方惠及

此作輿梁力行無鉅細既異國僑為將同傳巖濟

礪石亘長川何須伐山柱

通濟橋在南水門上今為南水關

南唐林仁肇宅在清風橋東見明一統志

藏春塢宋刁約所居明一統志在城內清風橋東本

京口山水志

卷十一

十三

南唐林仁肇故宅陸游南唐書刁彥能傳彥能子衍

衍孫約亦名士久在三館晚築室潤州號藏春塢京

口耆舊傳約家世簪纓所居頗有園池之勝約更葺

藏春塢塢西臨流為屋曰逸老堂又西有山阜植松

其上曰萬松岡嘉定志今半為前軍寨

至順志宋判三司鹽鈔院

刁約宅在范公橋東京口集有刁景純懷南徐所居

詩有云城南已葺藏春塢溪側方營逸老堂嶺上萬

松山徑合江中千稻一坵黃正謂此後廢為前軍寨

淳熙末郡守張子顏嘗築亭三楹於廢址取歐陽公

修所題藏春塢詩水浮花出人

間去之句勝曰浮花尋亦廢

司馬光寄題刁景純藏春塢詩藏春在何許鬱鬱

萬松林永日門闌近東風花木深主公今素髮野

服遂初心時與鄉人醉高歌散百金 歐陽修寄

題景純學士藏春塢新居詩清才四紀擅時名晚  
卜邨林遂解纓欲借青春藏向此須知白首尙多  
情水浮花出人間去山近雲從席上生漫說市朝  
堪大隱仙家誰信在重城 王安石藏春塢詩獻

刁十四文學士蒜山東渡得林邨邂逅藍輿亦少  
留今日更知萊氏隱暮年常憶武陵游欲縈垣屋  
隨穿鬪尙歎塵沙隔獻酬遙約勾吳亭下路春風  
深駐五湖舟 蘇軾寄題刁景純藏春塢詩白首  
歸來種萬松時看千尺舞霜風年拋造物陶甄外

京口山水志

卷十一

古

春在先生杖履中楊柳長齊低戶暗櫻桃熟爛滴  
階紅何時却與徐元直共訪襄陽龐德公 又詩  
退之身外無窮事子美生前有盡花更有多情君  
未識不隨柳絮落人家莫尋羣玉峯頭路莫看元  
都觀裏花但解閉門留我住主人休問是誰家朱  
閣前頭露井多碧桃枝下美人過寒泉未必能如  
此奈有銀牀素綆何 又刁景純賞瑞香花憶先  
朝侍宴次韻詩上苑天桃自作行劉郎去後幾回  
芳厭從年少追清賞閒對宮花識舊香欲贈佳人  
非泛洎好緝幽佩與沈湘鶴林神女無消息爲問

何由返帝鄉

蘇頌宅亦林仁肇宅基京口集有頌新居詩云版築多遺址經營信昔緣自注舊址乃林仁肇故宅林亦溫陵人而家此今余居之信非偶然

陳升之宅在清風橋南內有秀公亭夢溪筆談公治第極宏壯池館綿亘數百步宅成已疾甚肩輿一登西樓而已嘉定志今爲後軍寨并酒海酒庫

米芾宅輿地紀勝在千秋橋西米公自書帖云敞居在丹徒行衙之西脩閑堂瀆月亭佳麗亭在其後臨運河之濶水東則月臺西乃西山故寶晉齋之西爲

京口山水志

卷十一

五

致爽軒環居桐柳椿杉百十本以藥植之今十年皆垂蔭一畝真一畝之居也

案今巡道署卽其址

丹陽館在千秋橋西宋紹興中建北有脩閑堂後改爲秦潭驛南有皇華亭守臣張子顏建並見嘉定鎮

江志

陸秀夫丹陽館記丹陽館之所始無可考按郡志紹興十四年朝廷命守臣鄭滋建之於時和議旣成館是用作中門南向接送伴使在東館客使在西館厥後凡奉法衛命者皆館焉部使者亦如在郡國諸邑爲特鉅屋與歲陳廩廩將壓於是百

二十有六年矣咸淳五年冬長沙趙公以外司農  
典刑顧謂是邦江淮閩浙之所交也四海賓客之  
所合也輶車驛騎之所會也而舍於隸人不亦羞  
當時之士乎七年春乃一大修之悉撤其舊而新  
是圖木甃瓦石厥材孔良孔惠孔時役不告勞暨  
訖工功與勦畧等而其鉅也加於昔落成馳書秀  
夫曰子之居是邦也蓋記諸竊嘗稽之周官里有  
市市有候館館有積嗟夫此王者之政也晉文公  
崇大諸侯之館猶汲汲焉繕修是務褒城驛甲天  
下才幾何時庭除蕪堂廡殘過者太息今州縣皆

驛也夫以古人則視館如寢後世則視州縣如驛  
蓋學之不講而吏道之衰也久矣公共工於茲能  
以達之廉以奉之心休而力有餘茲館固舉廢之  
一事於乎古之所以創中之所以弊今之所以修  
其可以弗記公名潛字元晉忠靖公之子忠肅公  
之孫忠肅師張宣公淵源所漸有自來矣奉議郎  
宜特差充京湖制置大使司主管機宜文字陸秀  
夫記

毛翊丹陽館詩渡江第一南來驛幾度華堂延雁  
客百年運逐曉雲空愁殺鞦官老無職南徐今日

古陽關不斷歌聲祖離席國讎已復事尤多折損  
年年春柳碧

喜雨樓在千秋橋南宋嘉定中郡守史彌堅建一名

第一樓因戴石屏題句以名案今其地猶名第一樓街方輿勝覽

樓在城中規模宏壯占一郡勝處頗有登覽之快

戴復古京口喜雨樓落成呈史固叔侍郎詩京口

畫樓三百所第一新樓名喜雨大鵬展翼到中天

化作檐楹不飛去一日登臨天下奇華燈照夜萬

琉璃上與星辰共羅列下映十里蓮花池泰山爲

魏海爲釀手挈五湖爲甕盎銀槽香沸碧瑤春歌

京口山水志

卷十一

七

舞當鑪多麗人使君歌了人皆飲更賞谷中花似

錦五兵不用用酒兵折衝樽俎邊塵寢茲樓屹作

東南美孰識黃堂命名意持將此酒喫爲霖四海

九州同一醉

勾吳亭方輿勝覽在府治西杜牧潤州詩勾吳亭東

千里秋一作向吳亭陸龜蒙詩秋來頻上向吳亭案

疑卽句後更號通吳驛見嘉定鎮江志

青苔寺在綠水橋南杜牧詩青苔寺裏無鳥跡綠水

橋邊多酒樓

惠安寺在青苔寺西嘉定鎮江志故相文簡向敏中

祠在寺內  
志又云向文簡公以欽聖皇后賜燕王有功德寺曰資福在開封南渡初寺僧負其像至京口再創以廢額揭之并文簡像在焉

京口山水志卷十一

京口山水志

卷十一

六

京口山水志卷十二

丹徒楊棨撰

丹徒 水

龍目湖在城東京峴山下太平御覽郡國志曰潤州過  
陂有湖名龍目湖又京口記曰龍目湖秦皇東游觀地  
勢云此有天子氣使赭衣徒鑿湖中長岡使斷因改爲  
丹徒令水北注江也又梁典曰武帝望京峴山盤紆似  
龍掘其右爲龍目二湖寰宇記同

新豐湖在新豐鎮元和縣志晉元帝大興四年晉陵

內史張闔所立舊晉陵地廣人稀且少陂渠田多惡穢

京口山水志

卷十二

一

闔創湖成溉灌之利初以勞役免官後追紀其功超爲  
大司馬一作新豐塘晉書張闔傳立曲阿新豐塘溉田  
八萬餘頃

芙蓉湖太平御覽南徐州記曰子英常於芙蓉湖捕魚  
得赤鯉持歸以穀養一年遂生角翅云我來迎汝子英  
騎之遂乘風雨騰而上天芙蓉湖卽射貴湖也又名上

湖

射貴湖

上湖

並見上案水經注江南東注於具區謂  
之五湖口五湖謂長塘湖太湖射貴湖

上湖瀉湖也射貴  
湖上湖似非一湖

杜野湖在縣東南十五里

案吳志所謂杜野小辛間卽  
此杜野郡邑志譌作社墅

寺湖在縣南十八里

鄭湖在縣東南三十八里

綠水潭一名秦潭陸龜蒙詩松門穿戴寺荷徑繞秦潭

嘉定鎮江志云其地

自注秦潭始皇所開宋紹興中改爲放生池

右直運河千秋橋北時月觀臨流建亭榜曰南山今廢

唐李德裕白芙蓉賦

並序

金陵城西池有白芙蓉

素萼盈尺皎如霜雪江南梅雨麥秋之後風景甚

清漾舟綠潭不覺隆暑與佳客泛玩終夕忘疲古

人惟賦紅葉未有斯作因以抒思庶得其彷彿焉

朱明夕霽佳木凝陰蘭未歇其秀色烏尙留其好

京口山水志

卷十二

一

音泛迴塘兮清景暮環修渚兮碧流深誠有感於

逝節更新得於賞心是時黛葉已繁瓊英始發搖

瑞彩於波上挺纖莖於瓊末忽疑巨螭濯漪暫覩

其明月復似處子映松遙覩其冰雪煥列宿於長

河耀良玉於方折點白露於葭菼散飛鴻於林樾

子乃鼓輕柅入澄瀛度柳杞越蘭蘅裴回容與放

志遺榮近汀洲而菱密出蓮徑而潭平飛鷁鷁起

鷁鷁揮水珠而濺葉動波文而抗莖傳羽卮而適

性合金絲而寫情管度風而音遠歌臨流而轉清

既而稍憇川陰暫浮霄外極望漪瀾靜無夕靄又

如游女解佩於漢曲宓妃採蓮於滄瀨舒蘊藻以爲席倚立荷以爲蓋發巧笑之芬芳感佳期之來會嗟夫楚澤之中無蓮不紅惟斯華以素爲絢猶美人以禮防躬銀燐光而流燭玉精氣而舒虹雖有貴其符采且未匹其華容由是南國之妹以爲麗觀延華頸於沼沚曳羅裙於磯岸且謂降元實於瑤池徙靈根於天漢悵霄路兮永絕與時芳兮其玩聽高柳之蚤蟬悲此歲之過半彼妍姿之昭灼待風雨而消散乃爲歌曰秋水濶兮秋露濃盛華落兮歎芙蓉萼花紫兮君不識萍實丹兮君不

京口山水志

卷十二

三

逢想佳人兮密靜處顏如玉兮無冶容

秋月潭在北固山下宋嘉定中郡守史彌堅因山址陂澤爲潭以藏防江軍船

見嘉定志

崖石間有舊刻秋月潭三字

馬潭在縣南五十五里

護軍潭在丁角鎮

夢溪近烏盆澳其水流入關河

夢溪園宋沈括宅在溪上

沈括自志翁年三十許時嘗夢至一處登小山花木如覆錦山之下有水澄澈極目而喬木翳其上

夢中樂之將謀居焉自爾歲一再夢或三四夢至其處習之如平生之游後十餘年翁謫居宣城有道人無外謂京口山川之勝邑之人有圃求售者及翁以錢三十緡得之然未知圃何在又後六年翁坐邊議謫廢乃廬於潯陽之熨斗洞爲廬山之游以終身焉元祐元年道京口登道人所置之圃恍然乃夢中所游之地翁歎曰吾緣在是矣於是棄潯陽之居築室於京口之隅巨木蓊然水出峽中渟滌杳冥繚繞地之一偏者日之曰夢溪溪之上聳然爲卽干本之花緣焉者百花堆也覆堆而

廬其間者翁之棲也其西蔭於花木之間翁之所憩殼軒也軒之瞰有閣俯於阡陌巨木百尋闕其上者花堆之閣也據堆之巔集茅以舍者岸老之堂也背堂而俯於夢溪之顏者蒼峽之亭也而花堆有竹萬箇環以激波者竹塢也度竹而南介途濱河銳而垣者杏背也竹間之可燕者蕭蕭堂也蔭竹之南軒於水滌者深齋也封高而締可以眺者遠亭也居在城邑而荒蕪古木與豕鹿雜處客有至者皆頓遏而去而翁獨樂焉魚於泉舫於淵俯仰於茂木美蔭之間所慕於古人者陶潛白眉

易李約謂之三悅與之酬酢於心目之所寓者琴  
碁禪墨丹茶吟談酒謂之九客四年而翁病涉歲  
而益羸濱柩木矣豈翁將蛻於此乎

馬林溪在城南三十五里元和郡縣志練湖在丹陽縣  
北周迴四十里晉時陳敏爲亂據有江東務修耕績令  
弟諧過馬林溪以漑雲陽亦謂之練塘太平寰宇記後  
湖亦名練湖湖水上承丹徒高驪覆船山馬林溪水水  
色白味甘輿地志云練塘陳敏所立過高陵水以溪爲  
後湖馬林一稱馬陵唐皇甫冉有馬陵溪遇雨詩

皇甫冉泊丹陽與諸人同舟至馬陵溪遇雨詩雲

京口山水志

卷十二

五

林不可望溪水更悠悠其載人皆客離家春是秋  
遠山方對枕細雨莫迴舟來往南徐路多爲芳草

留

神溪在城西南曲陽山下

後漢書襄楷傳注潤  
州有曲陽山神溪水

蜃溪一名辰溪

嘉定志溪自丹徒經延陵入金壇界秦  
辰溪疑卽神溪故溪上之亭名神亭

神亭在溪上吳長沙桓王遇太史慈處三國志吳書

太史慈傳揚州刺史劉繇與慈同郡慈渡江到曲阿

見繇會孫策至使慈偵視時獨與一騎卒遇策慈便

前鬪正與策對策刺慈馬而擣得慈頂上手戟慈亦

得策兜鍪會兩家兵騎竝來赴於是解散慈進住涇

縣立屯府策躬自攻討遂見囚執策卽解縛捉其手  
曰寧識神亭時耶若卿爾時得我云何慈曰未可量  
也策大笑

鳳皇池在北固山下

白蓮池在城南古竹院中

金牛池在城南五里近八公洞

龍池在嘉山上見嘉定鎮江志

薛家池 荷香池並在城南又縣西八里有蓮陂

輿地紀勝

萬束陂在丹徒鎮祥符圖經陂宜稻頃收萬束因名

下鼻塘在城西四里府志明萬厯中知縣龐時雍濬深

京口山水志 卷十二

六

丈餘給穀增堤植柳千株可備早潦衆民便之

官塘在城南八里

以上二塘見嘉定志塘多不勝載載其最古者後同

慶封井在城南一里其水逆流又名逆流泉

唐陸龜蒙慶封宅古井行

並序

春秋左氏傳云襄二

十八年齊慶封亂而來奔旣而齊人來讓奔吳吳

句餘與之朱方聚族而居之富於其舊後七年荆

人使屈申圍朱方執慶封而盡滅其族按圖經潤

之城南一里則封所居之地詢問故老井尙存焉

因覽其遺發故歌之以志其惡古甃團團薜花碧

鼎渫寒泉深百尺江南戴白盡能言此地曾爲慶

封宅慶封嗜酒荒齊政齊人翦族封奔迸雖過魯  
國羞魯儒欲弄吳民竊吳柄吳分巖邑號朱方子  
家負固心強梁澤車豪馬馳似水錦鳳玉龍森若  
牆一朝雲夢圍兵至胷陷鋒銚腦塗地因知富德  
不富財顏氏簞瓢有深意宣父嘗違盜泉水懦夫  
立事貪夫止今歌此井示吳人斷縋沉瓶自茲始  
寄奴井在城內壽邨山下入蜀記壽邨者宋高祖宅故  
井尙存焉

燒丹井在焦山相傳焦公故蹟明方豪易名東冷泉今  
淪於江

京口山水志

卷十二

七

煉丹井在馬蹟山相傳葛洪煉丹處

開元寺大井續仙傳潤州開元寺大井旁生枸杞歲久  
飲其水甚益人

千尺井一名龍湫在五州山翠巖室前翠巖禪師句云  
門對懸巖千尺井石橋分水繞松杉

鰻井在北固山下

龍井在長山龍王廟又金山西麓有龍井宋釋別峯鑿  
亦稱中冷泉每誤過客

中冷泉在金山下江中嘉定鎮江志蘇軾游金山詩中  
冷南畔石盤陀又送金山鄉僧歸蜀開堂詩涪江與中

冷共此一味水蔡肇石排山渡詩中冷之西古石排狂  
波悍浪不能摧又煙江疊嶂圖詩中冷之南古浮玉鐘  
鼓下震蛟龍川並用此冷字潤州類集江水至金山分  
爲三灑又唐竇庠金山詩西江中灑波四截用此灑字  
歐陽修云陸羽茶經論山水水上江水次井水下至張  
又新始云劉伯芻謂水之宜茶者有七等以揚子江南  
零水第一丹陽寺井第四又新煎茶水記代宗朝李秀  
卿刺湖州至維揚逢陸處士鴻漸李素熟陸名因赴郡  
抵揚子驛將食李曰陸君善于茶蓋天下聞名矣况揚  
子南零水又殊絕二妙千載一遇可曠之乎命軍士挈

京口山水志

卷十二

八

瓶操舟深請南零陸執器以俟之飯水至以杓揚其水  
曰江則江矣非南零者旣而傾諸盆至半陸遽止之曰  
此南零者矣軍士大駭踞曰齋至南零舟蕩水覆懼其  
渺挹岸水增之處士神鑒也其敢隱焉太平廣記李德  
裕居廊廟日有親知奉使京口李曰還日金山下中零  
水可與汲一盞來其人舉棹日醉而忘之汎舟至石城  
下方憶乃汲一瓶於江中歸京獻之李飲後歎曰江表  
水味有異於頃歲矣頗似建業石城下水其人謝過不  
隱並用此零字前志昔人取中冷泉用油紙覆瓶長竿  
深探度至井底則別用一竿撞破油紙使水入瓶滿然

後引出近歲不復如此取水寺僧乃指水陸堂下井水  
爲中冷井也

國朝康熙中

聖祖南巡幸金山有 御製試中冷泉詩乾隆中

高宗駐蹕金山試泉有 御製詩

潘介中冷泉記中冷伯芻所謂第一泉也昔人遊  
金山吸中冷胷腋皆有仙氣其知味者乎庚辰春  
正月予將有澄江之行初四日自真州抵潤州舟  
中望金山波心一峰突兀雲表飛閣流丹夕陽映  
紫躊躇不肯艤岸但不知中冷一勺清徹何所耳

京口山水志

卷十二

九

次日覓小舟破浪登山周石廊一匝聽濤聲噲啞  
激石哮吼迤邐從石磴陟第二層穿茶肆中數折  
得見世所謂中冷者瓦亭覆井石龍蟠井闌鱗甲  
飛動寺僧爭汲井水入肆是日也吳人謂錢神誕  
爭詣寺中爲壽摩肩連袂不下數萬人茶坊滿不  
納客凡三往得伺便飲數甌細啜之味與江水無  
異予心竊疑之默然起履巉陟險窮盡金山之勝  
力疲小憩仰觀石上蒼苔剝蝕中依稀數行磨刷  
認之乃知古人所品別在郭璞墓間其法於子午  
二辰用銅瓶長縷入石窟中等若干尺始得真泉

若淺深先後少不如法卽非中冷正味不禁爽然  
汗下浹背然亦無從得銅瓶長綆如古人法而吸  
之飲之也郭公爪髮故在山足西南隔洪濤巨浪  
中亂石嶙峋森森若奇鬼異獸去金山數武而徘徊  
躑躅空復望洋蓋杳乎不可卽矣日暮歸舟悵  
恍若有所失自恨不逮古人佛印談禪坡公解帶  
爾時酒甕茶鑪皆挾中冷香氣奈何不獲親見之  
也越數日舟返澄江同舟憇道人者有物藏破衲  
中琅琅有聲索視之則水葫蘆也朱中黃外徑五  
寸許高不盈尺傍三耳銅紐連環亘丈餘三分入

環耳中一縷勾蓋上銅圈上下隨綆機轉動銅丸  
一枚繫葫蘆傍其一綰蓋上怪問之秘不告人良  
久謂予曰能從我乎願分中冷一斛予躍然起拱  
手敬謝遂別諸子從道人上夜行船兩日抵潤州  
則譙鼓鳴矣是夕上元節雨後遲月出不見然天  
光初霽不甚晦冥鼓三下小舟直向郭墓石峻水  
怒舟不得泊攜手彳亍躡江心石五六步石窟洞  
洞然道人曰此中冷泉窟也取葫蘆沉石窟中銅  
丸傍鎮葫蘆橫側下約丈許道人發纜上機則銅  
丸中鎮葫蘆仰盛又發第二機則蓋下覆之筍闔

若膠漆不可解乃徐徐收銅綆啟視之水盎然滿  
亟旋舟就岸烹以瓦鐺須臾沸起就道人瘦瓢微  
吸之但覺清香一片從齒頰間沁入心胃二三盞  
後則薰風滿兩腋頓覺塵襟滌淨乃喟然曰水哉  
水哉古人誠不我欺也嗟乎天地之靈秀有所聚  
必有所藏乃至拔而爲山穴而爲泉山不徒山而  
峙於江心泉不徒泉而異乎江水層疊之下而顧  
令屠狗賣漿菜傭僮父皆得領茲山味茲泉則人  
人皆有仙氣矣今古以來真才埋沒膺鼎爭傳獨  
中冷泉也予哉次日辰刻道人別去予亦發棹渡  
江而鄰舟一貴介方狐裘箕踞命後童敲火煮井  
上中冷未熟也道人姓張其先蓋閩人云

京口山水志

卷十二

十一

謝方連月夜汲中冷泉詩新月泉上出江華照衣  
冷扁舟蕩秋槩汲取波中影昨與山僧期煮月翻  
瓦鼎 余京高沙從二丈約夜汲中冷泉月黑不  
果因放舟登金山詩巖湖老叟有水癖水經補注  
手自芟品泉常鄙甕城俗河流渾濁土井鹹遙指  
中冷近郭墓有約乘月張孤帆銀山道士路留客  
網魚沽酒供饑饑帶醉下山月忽暗到灘喚渡舟  
人謔爲言江黑湍溜險况復崖石多巉嵌趁趨卻

步興未竭揚舳鼓柁頭陀崑有泉螿石覆亭子大書第一豐碑劄此泉聞道孕龍窟洪流在上如鑄緘名高大隱反泊沒贖者遂得膺其銜垂綆汲暨亦清冽箇中誰復分仙凡

天津泉在甘露寺西南府志明太祖幸寺時見山下汲水題句云甘露生泉天降津旣而僧善觀見很石邊有異掘之得美泉因取其語名之

虎跑泉在今招隱寺東南舊在寺內唐學士蔣防有碑記今佚

鹿跑泉去虎跑泉二十餘丈有石刻蔣防泉銘今佚

京口山水志 卷十二 十一

珍珠泉在招隱寺北宋李廵構及泉亭於上蘇軾詩泉

底珍珠濺客忙

金沙泉在八公洞左

獸窟泉在招隱洞

夾源泉在夾山

林公泉在夾山麓縣志明崇禎時林臯鑿石得泉可引至爨下太守程珣題曰林公泉

王士祿林公泉詩林公得泉處日暮僧厨通聞說

秋巖雨傳聲滿寺中 王士正林臯和尚塢院觀

林公泉詩祖堂白雲裏岩堦俯林樾昔人不可見

巖桂花猶發惟有林公泉涓涓漾明月

雙樹泉在夾山藝海珠塵張泓憶舊錄夾山雙樹泉其樹並生連膚榼中有凹隙如盃積水寸許取之不竭奇矣能愈目疾泉爲釋涵中奪出

卓錫泉在五州山因勝寺

夕聽泉在五州山取蘇東坡夕聽流泉語以名

翟公泉在鐵鑪山參政翟汝文銘

靈泉在長山上陳沂南畿志長山上有靈泉其流與練湖通

紫金泉在城中紫金山下

京口山水志

卷十二

三

古泮泉在舊府學之西府志宋元祐間郡守林希鑿井得石刻泮泉二字明邑令龐時雍重立石曰古泮泉

